

唐
音
統
籤

庚籤一僧詩二十四

齊已

唐音統籤卷八百九十二

五言律詩一

行路難

下漫與高盤不為行路難是非真險惡翻覆作峯
巒漆愧同時黑朱慚巧處丹令人相識欲畫白
雲看

寓言

造化安能保山川鑿欲翻精華銷地底珠玉聚候
門始作驕奢本終為禍亂根亡家與亡國去此更
何言

自題補

禪外求詩妙年來鬢已秋未曾將一字容易謁諸
侯桂夢山皆遠題名石盡幽敢言梁太子傍採碧
雲流

自勉

試算平生事中年欠五年知非未落後讀易尚加
前分受詩魔役寧容俗態牽聞吟見秋水數隻釣
魚船

自遣

了然知是夢既覺更何求死入孤峯去灰飛一燼

休雲無空碧在天靜月華流免有諸徒弟時來吊石頭

靜坐

坐卧與行住入禪還出吟也應長日月消得個身心嘿論相如少黃梅付囑溪門前古松徑時起步清陰

又

日日只騰騰心機何以興詩魔苦不利禪寂頗相應
硯滿塵埃點衣多坐卧穢如斯自消息合是個閑僧

倦容

閉眼即闔門人間事倦聞如何迎好客不似看關
雲少欲資三要多言讓十分踈慵本吾性任笑早
離群

白髮

莫染亦莫鑷任從伊滿頭白雖無耐藥黑也不禁
秋靜枕聽蟬卧閑窗看水流浮生未達此多為爾
為愁

剃髮

金刀閃冷光一剃一清涼未免隨朝夕依前長雪

霜夏林欺石膩春潤冰泉香向老凋踈盡寒天不出房

掃地

日日掃復洒不容纖物侵敢望來客口道似主人
心蟻過光中少苔依潤處深門前亦如此一徑入
踈林

不睡

永夜不欲睡虛堂閉復開却離燈影去待得月光
來落葉逢巢住飛螢值我迴天明拂經案一炷白
檀灰

語道

大道多大笑寂寥何以論霜楓翻落葉水鳥啄閑
門服藥還傷性求珠亦損魂無端鑿混沌一死不
還源

喻吟補

日用是何專吟疲即坐禪此生還可喜餘事不相
便頭白無邪裏魂清有象先江花與芳艸莫染我
情田

言詩

畢竟將何狀根元在正思達人皆一貫迷者自多

岐觸類風騷遠懷賢肺腑衰河橋送別者二子好
相知

請叅同契

堪笑修僊侶燒金覓大還不知消息火只在寂寥
鬢髮白爐中術魂飛海上山悲哉五千字無用在
人間

閑居

漸覺春光媚塵消作土膏微寒放楊柳纖草入風
騷睡少全無病身輕乍去袍前溪泛紅片何處落
金桃

寺居

鄰井凌梧上一蟬鳴隔牆依稀舊林日撩亂
山堂難嘿吟風口終清飲露腸老僧加護物應任噪
殘陽

溪齋

豈敢言招隱歸休喜自安一溪雲卧穩四海路行
難瑞獸藏頭角幽禽惜羽翰子猷何處在老畫碧
琅玕

又

彬竹映溪閣條條共歲寒幽人眠日晏花雨落春

殘道妙言何強詩玄論甚難閑居有新賦搔首憶
潘安

西墅新居

漸漸見苔青踈踈遍地生
閑穿藤屐起亂踏石墀
行野鳥啼幽樹名僧笑此情
殘陽竹陰裏老圃打
門聲

獨院偶作

風篁清一院坐卧潤肌膚
此境終拋去鄰房肯信
無身非王者役門是祖師
徒異竟何雲鳥從來我
友于

睡窓

孤舸憑幽窓清波逼面涼舉頭還有礙低眼即無妨
瞥過沙禽翠斜分夕照光何時到山寺上閣看江鄉

幽庭

不放生纖草從教徧綠苔還防長者至未著牡丹
栽蛺蝶空飛過鶻鴒時下來南鄰折芳子到此寂寥
寥迴

閉門補

外事休關念灰心獨閉門無人來問我白日又黃昏

昏燈集飛蛾影窻銷迸雪痕中心自明了一句祖
師言

村居寄懷

風雨如堯代何心款退藏諸侯行教化下國自耕
桑道挫時機盡禪留話路長前溪久不過忽覺早
未香

池上感興

所向似無端風前冷憑欄旁人應問見片月自闌
看碧底紅鱗鬣澄邊白羽翰南山象木葉飄着竹
聲乾

七十作

七十去百歲都來三十春
縱使生得到終免死無
因蜜理方通理袖真始見真
沃洲匡阜客幾劫不
迷入

春興

柳暖鶯多語花明草盡長
風流在詩句牽率在地
塘畔切禽名字飛忙蝶
姓莊時來真可惜自
勉擬
蘭芳

殘春

三月看無也芳時此可嗟
園林欲向夕風雨更吹

花影亂衝人蝶聲繁遠
整畦那堪傍楊柳飛絮滿
鄰家

夏日作

鷺雀語相和風池端
芰荷可驚成事晚
殊喜得閑多竹衆涼
欺水苔繁綠勝莎無
慙孤聖代賦咏有

詩歌

夏日草堂作

方回云此齊已自賦草堂中事也洪覺範取此八句賦為八詩

為僧徒所重久矣寔亦清麗

沙泉帶草堂紙帳卷空床
靜是真消息吟非俗肺腸
園林坐清影梅杏嚙紅香
誰住原西寺鐘聲送

夕陽

夏日林下作

煩暑莫相煎
森々在眼前
暫來還盡日
獨坐只聞
蟬草媚終難
死花飛卒未
薦秋風捨此
去滿籬貯
新篇

苦熱

雲勢險於峯
金流斷竹風
萬方應望兩
片影欲焚
空毒害芙蓉
死煩蒸瀑布
紅恩多是團
扇出入画
屏中

新秋

始驚三伏盡又遇立秋時露彩朝還冷雲峰晚更
竒隴香禾半熟原過草微衰幸好清光裏安仁謾
起悲

秋興 補

所見背時情閑行亦獨行晚涼思水石危閣望崢
嶸兩外殘雲片風中亂葉聲舊山吟友在相憶夢
應清

驚秋

寒簾聽秋信晚傍竹聲歸多故堪傷骨孤峰好拂
衣梧桐凋綠盡菡萏墮紅稀却恐吾形影嬾心與

口違

傷秋

且暮餘生在肌膚十分無眠寒半擲巧立月一株
枯夢已隨瘦樹詩猶却萬夫名山未歸得可惜死
江湖

殘秋感愴

日日加衰病心心趣寂寥殘陽起闌望萬木聳寒
條楚寺新為客吳江舊看潮此懷何以寄風雨暮
蕭蕭

落日

晚照背高臺殘鐘殘角催能銷幾度落已是半生
來吹葉陰風發漫空暝色迴因思古人事更變盡
塵埃

月下作

良夜如清晝幽人在小庭滿空垂列宿那個是文
星世界歸誰是心魂向自寧何堂見堯舜重為造
生靈

春雨

欲布如膏勢先聞動地雷雲龍相得起風電一時
來霖霖農桑野溟濛楊柳臺何人待晴暖庭有壯

丹開

江上值春雨

江臯正月雨平地亦波瀾
半是峨眉雪重為澤國
寒農田淹浸盡客棹往來難
愁殺騷人路滄浪正
渺漫

暮春久雨作

積雨向春陰冥冥獨院深
已無花落地空有竹藏
禽簷溜聲何暴隣僧影亦沉
誰知力耕者桑麥畝
關心

喜夏雨

四郊雲影合千里雨聲來盡洗紅埃去併將清氣
迴潺湲浮楚甸蕭散露荆臺欲賦隨車瑞濡毫渴
諛才

新秋雨後

夜雨洗河漢詩懷覺有靈籬聲新蟋蟀草影老蜻
蜓靜引開機發涼吹遠思醒逍遙向誰說時註漆
園經

對雪

松門堆復積埋石亦埋莎為瑞還難得居貧莫厭
多聽憐終夜落吟惜一年過誰在江樓望漫日墜

緑波

大正系通

唐

唐籤一僧詩二十五

齊已集三

唐音統籤卷八百九十三

五言律詩二

永夜

永日還欹枕良宵亦曲肱
神閑無萬慮壁冷有殘燈
香影浮龕象瓶聲着井
冰尋思到何處海上斷崖僧

清夜作

不惜白日短乍容清夜長
坐聞風露滴吟覺骨毛涼
興寢無諸病空閑有一床
天明振衣起苔砌落花香

夜坐

百虫聲裏坐夜色共冥冥
遠憶諸峯頂曾栖此性
靈月華澄有象詩思在無形
微曙都忘寢虛牕日照經

除夜

夜久誰同坐爐寒鼎亦澄
亂松飄雨雪一室掩香
燈白髮添新歲清吟減舊朋
明朝待晴旭池上看春冰

遠思

遠思極何處南樓烟水長
秋風過鴻鴈游子在瀟

湘海面雲生
白天涯墮晚光
徘徊古堤上
曾此贈
垂楊

居道林寺書懷

花落水喧喧
端居信晝昏
誰來看山寺
自要掃松
門是事皆能諱
來詩未懶言
傳聞好時世
亦欲背
啼猿

懷洞庭

憶過巴陵歲
無人問去留
中宵滿湖月
獨自在僧
樓
漁父真閑唱
靈均是謾愁
今來欲長往
誰借木
蘭舟

懷巴陵舊游

洞庭雲夢秋空碧共悠悠
孟子狂題後何人更倚樓
日西來遠棹風外見平流
終欲重尋去僧牕古
岫頭

戊辰歲江南感懷

忽忽動中私人間何所之
老過離亂世生在太平
時桃李春無主松杉
有期曾吟子山賦何啻
舊
凌遲

苦熱中江上懷壚峰舊居

猶寄壚峯下杉松逸石房
年五六月江上憶清

涼久別應荒廢終歸隔渺茫何當便搖落披衲玩
秋光

湘中感興

漁翁那會我傲
葦邊行亂世難逸跡東流擬濯
纓江花紅細碎沙鳥白分明向夕題詩處春風班
竹聲

渚宮自勉

畢竟擬何求隨緣去住休天涯游勝境海上宿仙
洲夢好尋無跡詩成旋不畱從他笑輕事獨自憶

莊周

金江寓居

考槃應未永聊此養閑疎野趣今何似詩題舊不
如春豈離籜盡陂藕拚花初終要秋雲是從風恣
卷舒

歲暮江寺住

補

山依枯槁容何處見年終風雪軍城外兼葭古寺
中孤村誰認磬極浦夜鳴鴻坐憶匡廬隱泉澗滴
半空

渚宮莫問詩一十五首

并序

予以辛巳歲蒙主人命居龍安寺察其疎鄙免
以趨奉爰降手教曰蓋知心不在常禮也予不

覺欣然而作頽謂形影曰爾本青山一衲白石
孤禪今王侯構室安之給俸食之使之樂然萬
事都外游息自得則雲泉猿鳥不必為狎其放
縱若是夫何繫乎自是龍門墻仞歷稔不復瞻
觀況他家哉回創莫問為首焉
凡

莫問踈人事王侯已任伊不妨隨野性還似在山
時靜入無聲樂狂拋正律詩自為仍自愛敢望至

公知

莫問休持鉢從貧乞已踈侯門叨月俸齋食刺耳
儲簪履三千外形骸六十餘舊峰何練若松徑接
匡廬

莫問依劉跡金臺又度秋威儀非上客譚笑愧諸

侯禮許無拘檢詩推異輦流東林未歸得搖落楚
江頭

莫問無機性甘名百鈍人一床鋪冷落長日卧精
神分已踈知舊詩還得意新多才碧雲客時或此
相親

莫問關門意從來寡往還道應歸淡泊身合在空
閑四面苔圍綠孤窓雨洒斑夢尋何處去秋色水
邊山
莫問

松邊坐秋光水畔行更無時忌諱容易得

題成

莫問多山興晴樓獨凭時六年滄海寺一別白蓮
池句早逢名匠禪曾見祖師冥搜見與真性清淨
裏思

莫問伊稽懶流年已付他話通時事少詩着野題
多夢外春桃李心中舊薜蘿浮生此不悟剃髮竟
如何

莫問休行脚南方已遍尋了應須自了心不是他
心赤水珠何覓寒山偈莫吟誰同論此理杜口少
知音

莫問孱愚格天應只與閑合居長樹下那稱衆人
閒跡絕為真隱機忘是大還終當學支遁買取個
青山

莫問無求意浮雲喻可知滿盈如不戒倚伏更何
疑樂矣賢顏子窮乎聖仲尼已過知命歲休把運
行推

莫問閑行趣春風野水涯千門無謝女兩所
有揚花鶴好曾為客真龍或作蛇踟躕自迴首日脚背
樓斜

莫問真消息中心只自知清風含笑咏明月混希

夷壞衲涼天擁玄文靜夜披善哉温伯子言外認
揚眉

莫問衰殘質流光速可悲寸心修未了長壽欲何
為坐卧身多倦經行骨漸疲分明說此苦瓊重竺
乾師

莫問野騰勞形已不能慙慙無上士珍重有名
僧坐覺心心默行思步步永終歸石房裏一點夜
溪燈

病起二首

一卧四十日起來秋氣深已甘長逝魄還見舊交

心撐拄筇猶重枝梧力未任終將此形陋歸死故
丘林
秋風已傷骨更帶竹聲吹抱疾闌門久扶羸傍砌
時無生即不可有死必相隨除却歸真覺何由擬
免之

荊州新秋病起雜題一十五首

病起見王化

病起見王化融融古帝鄉曉烟凝氣紫晚色作雲
黃四野歌豐稔十門唱樂康老身仍未死猶咏好
風光

病起見圖画

病起見圖画雲門興似鏡衲衣搜笠重嵩岳華山
送命在齋猶赴刀閉髮盡凋秋光漸輕徬欲去倚
江橋

病起見苔錢

病起見苔錢規模遍地圓兒童掃不破子母自相
連潤屋何曾有綠瑤謾可憐虛教作銅臭空使外
人傳

病起見庭竹

病起見庭竹君應悲我情何妨甚消瘦却稱苦修

行每謝侵昧影時迴傍枕聲秋來漸平復吟遶骨
毛輕

病起見生涯

病起見生涯資緣覺甚奢方袍媼垢弊律服變光
華頗愧同諸俗何嘗異出家三衣如兩翼珍重你
寒鴉

病起見秋扇

病起見秋扇風前倍感傷念予當咽絕得爾致清
涼沙路搖如影汀蓮似綻香不同媼好咏托意怨

君王

病起見衰葉

病起見衰葉飄然似我身
偶乘風有韻初落地無
塵縱得紅霑露爭如綠帶春
因傷此懷抱聊寄一篇新

病起見庭栢

病起見庭栢青青我不任
力扶乾瘦骨勉對歲寒
心韻謝疎篁合根容片石
侵衰殘想長壽時倚就
閑吟

病起見庭蓮

病起見庭蓮風荷已颯然
開時聞馥郁枕上正纏

綿本在滄江闊移來碧沼圓却思香社裏葉々滿
聲

病起見庭菊

病起見庭菊幾勞栽種工可能經卧疾相倚自成
叢翠萼低含露金英盡亞風那知予愛爾不在酒
盃中

病起見庭石

病起見庭石豈知經夏眠不能資藥價空自作苦
錢翠憶藍光底青思瀑影邊岩僧應笑細碎種
階前

病起見庭莎

病起見庭莎
綠階傍竹多
逸行猶未得
靜聽復如何
蟋蟀幽中響
蟋蟀溪處歌
不緣田地窄
剝種任婆婆

病起見苔色

病起見苔色
凝然陣未枯
淺溪圍柱礎
語曲遶廊廡
碧翠文相間
青黃勢自鋪
為錢虛玷染
畢竟不如無

病起見秋月

病起見秋月
正當三五時
清光應鑒我
幽思更同

誰惜坐身猶倦牽吟氣尚羸明年七十六約此健
相期

病起見閑雲

病起見閑雲空中聚又分滯留堪笑我舒卷不如
君觸石終無跡從風或有閒仙山足鸞鳳歸去自
同群

庚籤一僧詩二十六

齊集四

唐晉統籤卷

八百九十四

五言律詩三

期友人

早晚遂茲來
閑門日為開
亂蛩鳴白草
殘菊藉蒼苔
困卧誰驚起
閑行自欲迴
何時此攜手
吾子本多才

逢鄉友

無况來江島
逢君話滯留
生緣同一國
相識共他州
竹影斜青蘚
茶香在白甌
猶憐心道合
多事亦冥搜

過元上人補

七澤過名山相逢黃葉殘杉松開寺晚泉月話心
寒袒遍諸方禮經曾幾處者應懷出家院紫閣近
長安

九日逢虛中虛受

楚后萍臺下相逢九日時干戈人事地荒廢菊花
籬我已多衰病君猶畫黑鬣皇天安罪得解語便
吟詩

竟陵過畫公

高跡何來此遊方漸老身欲投蓮岳夏初過竟陵

春錫影離雲遠衣痕拂薛新無言即相別此處不
迷津

再逢晝公

竟陵西別後徧地起刀兵彼此無緣著雲山有處
行久吟難敵句終忍不求名年鬢俱如雪相看眼
且明

逢詩僧

禪玄無可並詩妙有何評五七字中苦百千年後
清難求方至理不朽始為名珍重重相見忘我語
此情

春雪初晴喜友生至

補

數日不見日飄飄勢忽開
雖無忙事出還有故人來
已盡南簷滴仍殘北牖堆
明朝望平遠相約在春臺

山寺喜道者至

閏年春過後山寺始花開
還有無心者閑尋此境來
鳥幽聲忽斷茶好味重迴
知住南岩久冥心坐石苔

山中喜得友生書

柴門闌樹石未省塵埃落
日歸猿裏同人信

來自成爲拙隱難以謝多才見說相思處前峯對
古臺

崔秀才宿話

事轉閒多事心休話苦心相留明月寺共憶白雲
岑藪壁殘詩韻軒窗倒竹陰開門又言別誰竟慰
塵心

寓居嶽麓謝進士沈彬再訪

去歲來尋我留題在藪痕又因風雪夜重宿古松
門玉有疑休泣詩無主且言明朝此相送披褐入
禿源

再經獎山與諸長老夜話

遠跡都如雁南行又北迴老僧猶記得往歲已曾
來話適名山境燒殘黑櫟灰無因伴師往歸思在
天台

訪自牧上人不過

然諾竟如何諸侯見重多高房度江兩經月長寒
莎道本同騷雅書曾到薜蘿相尋未相見危閣望
滄波

過陳陶處士舊居

一室貯琴樽詩皆大雅言夜過秋竹寺醉打老僧

門遠燒來籬下寒
蔬簇石根閑
庭除鶴跡半是杖
頭痕

過湘江唐宏書齋補

四隣無俗跡
終日大開門
水晚來邊雁
林秋下楚猿
一家隨難在
隻眼向書昏
况近騷人廟
吟應見古魂

宿舒湖希上人房

入寺先來此
經窻半在湖
秋風新菡萏
暮雨老菰蒲
清任聽浮生
速能消默坐
無語來燈燭
短嘒啖發高梧

題無余處士書齋補

閑地從莎蕪誰人愛此心
琴棋懷客遠風雪閉門
深枕外江灘響牕西樹石陰
他年衡石寺為我一
相尋

題張氏池亭

樹石叢上別詩家趣向幽
有時閑客散始覺細泉
流蝶到琴碁畔花過島嶼頭
月明紅藕上應見白
龜游

臨行題友生壁

山衲宜何處經行避暑溪峰西
多古寺日午亂松

陰鶴默堪分靜蟬涼解助吟
慙勤題壁去秋早此相尋

題終南隱者室

終南山北面直下是長安
自掃青苔室開歌白石
壇風吹窻樹老日曬竇雲乾
時向圭峰宿僧房瀑布寒

書匡山隱者室

紅霞青壁底石室薜蘿垂
應有迷仙者曾逢撰藥
時桃花饒兩頰松葉淺長鬕
直是來城市何人識得伊

題真州精舍

波心精舍好，那岍是繁華。
礙日無高樹，當門即遠沙。
晨齋來海客，夜磬到漁家。
石鼎秋濤靜，禪迴有岳茶。

題中上人院

高房占境幽，講退即冥搜。
欠鶴同支遁，多詩似惠休。
瓶澄孤井浪，葉白小窓秋。
莫道歸山字，朝賢日獻酬。

題明公房

寺北聞湘浪，窓南見嶽雲。
自然高日用，何要出人

群瓦滴殘松雨壚香匝印文迎年精易道疑者曉
紛紛

書古寺僧房

綠樹深深處長明焰焰燈春時遊寺客花落閉門
僧萬法心中寂孤泉石上澄勞生莫相問喧默不
相應

野步

城裏無閑處却尋城外行田園經兩水鄉國憶秦
耕傍澗蒺藜老隔村岡壠橫何窮此心興時復鷓
鴒聲

原上晚望

倚杖聊據望寒原
遠近分夜來何處
火燒出古入墳野
勢盤空澤江流合
暮雲殘陽催百鳥
各自著栖群

早秋雨後晚望

暑氣時時薄虫聲
夜轉細江湖經一
兩日月換新秋有
景堪援筆何人未
上樓欲乘涼冷興
西向碧嵩游

遠山

天際雲根破寒山
列翠迴幽人當立
久白鳥背飛

來瀑濺何州地僧尋幾嶠苔終須拂巾履獨去謝
塵埃

登金山寺

四面白波聲中流翠嶠橫望來堪目斷上徹始心
平鳥向天涯去雲連水國生重來與誰約題罷自
吟行

金山寺

山帶金名遠樓臺壓翠層魚龍光照像風浪影搖
燈檻外揚州樹船通建業僧塵埃何所到青石坐
如冰

皖口泊舟晚望天柱峯

根盤潛岳半頂逼日輪邊
冷碧無雲點危稜有瀑
懸秀輕毛女下名與鼎湖偏
誰見扶持力巖巖出
後天

過西塞山

空江平野流風島葦颺
殘日銜西塞孤帆向北
洲邊鴻渡漢口楚樹出吳頭
終入高雲裏身依片
石休

游三覺山

白石路重重紫紆勢忽窮
孤峰擎像閣萬木蔽星

空世論隨時變
禪懷歷劫同
良宵正冥日
海日上窓紅

再遊匡山

紫霄魚五老相對倚
空寒久別成衰病
重來更上難徑危
雲母滑崖旱瀑流
乾日斷嵐烟際
神仙有石壇

東林雨後望香爐峯

翠濕僧窓
哀寒堆鳥道
邊靜思尋去路
危遠落來泉
暮雨闌青壁
朝陽照紫烟
二林多長老
誰意上頭禪

登祝融峯

猿鳥不共到我來身欲浮
四邊空碧落絕頂正清
秋宇宙知何極華夷見細
流壇西獨立久白日轉
神州

明月峰

明月峰頭石曾聞學月明
別舒長夜彩高照一村
耕頗亂無私理徒驚鄙俗
情傳云遭鑿後頑白在
崢嶸

秋江

兩岸山青映中流一棹聲
遠無風浪動正向夕陽

橫島嶼蟬分宿沙洲客獨行浩然心自合何必濯
吾纓

遊橘洲

春日上芳洲經春蘭杜幽此時尋橘岬昨日在城
樓鷺立青楓杪沙沉白浪頭漁家好生計簷底繫
扁舟

渚宮江亭寓目

津亭難極望未稱本心閑白有三江水青無一點
山新鴻喧夕浦遠棹聚空灣終遠歸匡社孤帆即
此還

游道林寺四絕亭觀宋杜詩板

宋杜詩題在風騷到此真獨來終日看一為拂秋
塵古石生寒仞春松脫老鱗高僧眼根靜應見客

吟頻

一作神

登大林寺觀白太傅題板

九疊蒼崖裏禪家鑿翠開清時誰夢到白傅獨尋
來怪石和僧定閑雲共鶴迴任茲休去者心是不
然灰

經吳平觀

中元齋醮後殘燼滿空壇老鶴心何待尊師鬢已

乾幡燈古殿夜霜霰大椿寒誰見長生路人間事
萬端

宿簡寂觀

萬壑雲霞影千峰松桂聲如何教下士容易信長
生月共虛無白香和沆瀣清開尋古廊画記得列
仙名

過商山

疊上疊嵐寒紅塵翠裏盤前程有名利此路莫艱
難雲木侵天老輪蹄到月殘何能尋四皓過盡見
長安

欲游龍山鹿苑有作

龍山門不遠鹿苑路非遙
合著閑身去何須待客
招年華殘兩鬢筋骨倦
長宵聞說峰前寺新修
白石橋

將游嵩華行次荆渚

蓮峰映敷水嵩嶽壓伊河
兩處思歸久前賢隱去
多閑身應絕跡在世幸無他
會向紅霞嶠僧龕對
薜蘿

過鹿門作

鹿門埋孟子峴首載羊公
萬古千秋裏青山明月

中政從襄沔絕詩過洞庭空塵路誰迴眼松聲兩
處風

過荆門

路出荆門遠行行日欲西草枯蠻塚亂山斷漢江
低野店叢蒿短烟村簇樹齊翻思故林去在處有
猿啼

江行早發

舟子相呼起長江未五更幾程一作星月在猶載
一作帶夢魂行鳥亂村林迥人喧水柵橫蒼茫平野
外漸認遠峯名

浙江晚渡

去年曾到此久立滯前程岐路時難處風濤晚未
平汀蟬舍老韻岸荻簇枯聲莫泥閨河險多游自
遠行

秋日錢塘作

秋光明水國游子倚長亭海漫全吳白山澄百越
青英雄貴黎庶封土絕精靈勾踐魂如在應慚戰
血腥

夜次湘陰

風濤出洞庭帆影入澄清何處鷺鴻起孤舟趁月

行時難多戰地野濶絕春耕骨肉知存否林園近
郡城

次耒陽作補

遠岳復松襄湘街陽又耒陽不堪思北客從此入南
荒旦夕多猿狖淹留少雪霜因經社公墓惆悵學
文章

宜陽道中作

宜陽南面路下嶽又經過楓葉紅遮店芒花白滿
坡猿無山漸薄鴈象水還多日落猶前去諸村牧
豎歌

尋陽道中作

秋聲連岳樹草色遍汀洲
多事時為客無人處上
樓雲踈片雨歇野濶九江流
欲向南朝去詩僧有
惠休

岳陽道中作補

客思尋常動未知
今斷魂路歧經亂後風雪少人
村大澤鳴寒雁千峰啼晝猿
爭教此時白不上鬢
鬚根

南歸舟中二首

南歸乘客棹道路免崎嶇
江上經時節船中聽鷓鴣

鵝春容含衆岫雨氣泛平蕪落日停舟望王維未
有圖

長江春氣寒客况棹聲間夜泊諸村兩程迴數郡
山桑根垂斷岸浪沫聚空灣已去鄰園近隨緣是
暫還

已卯歲值凍阻歸有作

河水連地凍朔氣壓春寒閉戶思歸遠出門移步
難湖雲粘鴈重廟樹刮風乾坐看孤燈焰微吐向
曉殘

邊上

漢地從休馬胡家自牧羊都來銷帝道
渾不用兵防草上孤城白沙翻大漠
黃秋風起邊鴈一一向

瀟湘

風道寄虛無合書傳往復空可憐禪月子香火國
門東

次韻酬鄭谷卽中

林下高眠起相招得句時
閑門流水入靜語驚鷺
知每許題成晚多嫌雪阻期
西齋坐來久風竹撼
踈籬

酬元員外見寄

僻巷誰相訪風籬翠蔓牽
易中通性命貧裏過流
年且有吟情挽都無俗事煎
時間得新意多是此
忘緣

酬元員外

清洛碧嵩根寒流白照門園林經難別
桃李幾株存衰老江南日淒涼海上村
閑來曠未絃淚滴舊朝恩

寄酬高輦推官

道自閑機長詩從靜境生不知春艷盡
但覺雅風清竹賦題幽碧蕉乾裂翠聲
何當九霄客重疊記無名

訓孫勣

幽人還愛雲才子已從軍可信鴛鴻侶
更思麋鹿

群新題雖有寄舊論竟難開知己今如此編聯悉
欲焚

訓洞庭陳秀才

何必要識面見詩驚苦心此門從自古難學至如
今青草湖雲濶黃陵廟本溪精搜當好景得即動
知音

訓王秀才

離亂幾時休儒生厄遠游亡家非漢代何處覓荆
求旅夢寒燈屋鄉懷畫兩樓相逢話相殺誰復念
風流

訓王秀才

相於分倍親靜論到吟真王澤曾無外風騷甚少
人鴻隨秋過盡雪向臘飛頻何處多幽勝期君作
近鄰

訓九經者

九經三史學窮妙又窮微長白山初出青雲路欲
飛江僧酬雪句沙鶴識麻衣家在黃河北南來偶
未歸

訓章水知己

新吟忽有寄千里到荆門落日雲初碧殘年眼正

昏已為難敵手誰更入溪論後信多相寄吾生重
此言

訓微上人

古律皆深妙新吟復造微搜難窮月窟琢若盡天
機晚檜清蟬咽寒江白鳥飛他年舊山去為子遠
携歸

訓尚顏

臥盡風騷妙名高身倍閑久離王者闕欲向祖師
山幕府秋招去溪鄰日望還伊余豈訓敵來往踏
苔斑

謝歐陽侍郎寄示新集

宮錦三十段金梭新織來殷勤謝君子迢迢寄寒
灰鸞鷲對鼓舞神仙變徘徊誰當巧裁製披去升
瑤臺

謝王拾遺見訪兼寄篇什

竹裡安禪處生涯一印灰經年乞食過昨日諫臣
來愧把黃梅偈曾酬白雪才因令識馬跡重疊在
蒼苔

謝王先輩昆弟游湘中廻各見示新詩

瀟湘多勝異宗社久徘徊兄弟同遊去幽竒盡采

來只應求妙唱何以示寒灰上國攜歸後唯呈不
世才

謝高輦先輩寄新唱和集

敢謂神 hands 多懷老比丘編聯來鹿野誦唱在龍
樓洛浦精靈懾印山鬼魅愁二南風雅道從此化
東周

寄還闕下高輦先輩卷

去歲逢京使因還所寄詩難留天上作曾換月中
枝趣極僧迷百功溪鬼不知仍聞得名後特地更
忘疲

酬岳陽李主簿卷

把卷思高興，瀟湘澗浸門。
無雲生翠浪，有月動清魂。
倚檻應窮底，凝情合到源。
為君吟所寄，難甚至忘筌。

還黃平素秀才卷

求已甚忘筌，得之經渾然。
僻能離詭美，清不尚妖妍。
冷淡聞姚監，精竒見浪仙。
如君好風格，自可繼前賢。

謝王秀才見示詩卷

誰見少年心，低摧向苦吟。
搜須離影響，得必洞精

深道院春苔徑僧棲夏竹林天如愛才子何慮未
知音

酬西川楚巒上人卷

玉壘峨岷峻岷山錦水清古人搜不盡吾子得何
精可信由前習堪聞正後生東西五千里多謝寄
無成

覽清尚卷

李洞僻相似得詩先示師鬼神迷去處風月背吟
時格已搜清竭名還著紫卑從容味高作翻為古
人疑

覽延樞上人卷

今體雕鏤妙古風研考精何人忘律韻為子辨詩
聲貫島苦兼此孟郊清獨行荆門見編集愧我老
無成

謝虛中上人晚秋見寄

楚外同文在荆門得信時幾重相別意一首晚秋
詩日暮山沉雨運殘水滿池登樓試南望為子動
歸思

謝虛中寄新詩

舊友一千里新詩五十篇此文經大匠不見已多

年趣極同無迹精淡合自然相思把行坐南望隔
塵烟

贈浙西李推官

他家恃勲貴君獨愛詩玄終日秋光裏無人竹影
邊東樓生倚月北窗積吟烟聞說鴛行裏多才復
少年

贈李明府

名家宰名邑時謂屈鋒銜直是難蘊俗能消不下
堂冰痕生硯水柳影透琴床何必稱灑洒獨為詩
酒狂

贈盧明府閑居

鬢霜垂七十江國久辭官
滿篋新風雅何人舊歲
寒閑居當野水幽鳥宿漁竿
終欲相尋去兵戈時
轉艱

贈曹松先輩

今歲赴春闈
逵如夫子稀
山中把卷去
榜下注官
歸楚月吟前
落江禽酒外
飛閑游向
諸寺却看白
麻衣

贈劉五經

往年長白山
發憤忍飢寒
掃葉雪霜濕
讀書唇齒

乾群經通講解八十尚輕安今日江南寺相遊話
世難

貽盧岳陳沆秀才

為儒老雙鬢勤苦竟何如四海方磨劍空山自讀
書石園泉眼碧秋落洞門虛莫慮搜賢僻微君舊
此君

貽王秀才

功到難搜處知難始是詩自能探虎子何慮屈男
兒此道真清氣前賢早白髭須教至公手不惜付
丹枝

貽張生

日日見入寺未曾舍酒客
閑聽老僧語坐到夕陽
鐘竹裏行多影花邊偶過
縱猶言謝生計隨我去
孤峯

贈余生

可能東海子清苦在貧居
掃地無閑客堆窻有古
書少年猶若此向老合何
如去歲頻相訪今來見
亦疎

城中示友人

久與寒灰合人中亦覺閑
重城不鎖夢每夜自歸

山西破冥鴻出桐枯井月還唯君道心在來往寂
寥間

贈白處士

華野居何定浮生知是誰衣衫同野叟指趣似禪
師白髮應無也丹砂久服之仍聞創行許春暖向
峨眉

寄贈集灘二公

聞有灘名境因君住更名軒寔中夜色風月流灘
聲客好過無厭禽幽画不成終期一尋去聊且寄
吟情

贈詢公上人補

威儀何貴重一室貯冰清
終日松杉徑自多虫蟻
行像前孤立影鐘外數
珠聲知悟修來事今為
第幾生

贈仰上人

避地依真境安閑似舊溪
干戈百里外泉石亂峰
西草瑞香雞歇松靈蓋
盡低尋應報休馬瓶錫
向南携